

БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE

ДОМ НАРОДА  
ПРЕДСТАВНИЧКИ ДОМ

DOM NARODA  
PREDSTAVNIČKI DOM / ZASTUPNIČKI DOM

Савјет националних мањина БиХ

Vijeće nacionalnih manjina BiH

Broj: 05/7-39-1-173-16,1/24

Sarajevo, 29. 2. 2024.

БОСНА И ХЕРЦЕГОВИНА  
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ  
SARAJEVO

PRIMLJENO: 05/04-2024

Organizovana jedinica	Klasifikaciona oznaka	Redni broj	Broj priloga

## ZAPISNIK

### 16. sjednice Vijeća nacionalnih manjina BiH, održane 29. 2. 2024.

Sjednica Vijeća nacionalnih manjina BiH počela je u 17 sati.

Sjednici su prisustvovali: Zamire Sokoli-Begović, Davor Ebner, Skender Mustagrudić, Franjo Rover, Ernest Grin, Saša Mićin, Todorka Jovanović, Velibor Kuvač, Mujo Fafulić, Igor Kotjelnikov, Mihal Hemun, Danijel Štefek, Hakan Varan, Violeta Džolan, Dejan Piotrovski, Miroslav Bobrek, Željko Vaško i Dragica Tešić.

Odsustvo je pravdao Dejan Piotrovski.

Sjednici su prisustvovali i: Kemo Sarač, pomoćnik ministra za ljudska prava i izbjeglice BiH, Aleksandra Jarić, šefica Odsjeka za zaštitu prava i saradnju sa nacionalnim manjinama i drugim manjinama, vjerskim zajednicama i nevladinim organizacijama u Ministarstvu za ljudska prava BiH, Amela Tandara, savjetnica za ljudska prava u Misiji OSCE-a u BiH, i Vladana Savić, stručna savjetnica u Sektoru za druga parlamentarna tijela.

Za sjednicu je predložen sljedeći

## DNEVNI RED

1. Razmatranje Prijedloga zapisnika 15. sjednice Vijeća nacionalnih manjina BiH;

2. Dogovor u vezi s organizacijom 1. konferencije nacionalnih manjina BiH (na sjednicu pozvani predstavnici Ministarstva za ljudska prava i izbjeglice BiH i predstavnici Misije OSCE-a u BiH);
3. Razmatranje prijedloga za izmjene Izbornog zakona BiH;
4. Tekuća pitanja.

Nakon uvodnih riječi predsjedavajućeg, dnevni red usvojen je jednoglasno.

#### **Ad. 1. Razmatranje Prijedloga zapisnika 15. sjednice Vijeća nacionalnih manjina BiH**

Nakon uvodnih napomena predsjedavajućeg, Zapisnik je jednoglasno usvojen.

#### **Ad. 2. Dogovor u vezi s organizacijom 1. konferencije nacionalnih manjina BiH (na sjednicu pozvani predstavnici Ministarstva za ljudska prava i izbjeglice BiH i predstavnici Misije OSCE-a u BiH)**

U uvodnom izlaganju o ovoj tački dnevnog reda predsjedavajući je upoznao predstavnike Ministarstva za ljudska prava i izbjeglice BiH i predstavnike Misije OSCE-a u BiH o planovima Vijeća nacionalnih manjina BiH da organiziraju 1. konferenciju nacionalnih manjina Bosne i Hercegovine. Rekao da će Vijeće nacionalnih manjina BiH u narednom periodu precizirati koncept i program 1. konferencije nacionalnih manjina u Bosni i Hercegovini, a na koju će biti pozvani predstavnici svih udruženja nacionalnih manjina u Bosni i Hercegovini. S obzirom na to da je riječ o velikom poduhvatu, kao i činjenici da Vijeće prvi put treba da organizira konferenciju ovog formata, predsjedavajući je zamolio predstavnike Ministarstva za ljudska prava i izbjeglice BiH, kao i predstavnike Misije OSCE-a u BiH da pomognu u organizaciji konferencije.

Kemo Sarač, pomoćnik ministra za ljudska prava i izbjeglice BiH, podržao je ideju organizacije konferencije i izrazio spremnost Ministarstva za ljudska prava i izbjeglice da pruži logističku podršku Vijeću nacionalnih manjina BiH u vezi s organizacijom konferencije, te predložio da se u organizaciju obavezno uključi i Zajednička komisija za ljudska prava PSBiH.

Također, podsjetio je da Ministarstvo za ljudska prava i izbjeglice BiH organizira Regionalnu konferenciju o saradnji s nacionalnim manjinama, na koju su pozvani članovi Vijeća nacionalnih

manjina BiH, a na kojoj će se, između ostalog, govoriti o analizi zakona o nacionalnim manjinama u BiH i predavljanju Programa za promociju prava nacionalnih manjina u Bosni i Hercegovini. Amela Tandara, savjetnica za ljudska prava u Misiji OSCE-a u BiH, rekla je da će Misija OSCE-a u BiH podržati održavanje konferencije u logističkom i finansijskom smislu. Također, naglasila je da je potrebno u organizaciju konferencije uključiti oba doma PSBiH kao i Zajedničku komisiju za ljudska prava PSBiH, jer su pitanja nacionalnih manjina u BiH u domenu političkih odluka.

Zamolila je da Vijeće nacionalnih manjina do kraja marta obavijesti Misiju OSCE-a u BiH o svim detaljima organizacije konferencije kako bi OSCE mogao na vrijeme osigurati sredstva i logistiku za organizaciju konferencije.

U raspravi koja je uslijedila učestvovali su: Mujo Fafulić, Kemo Sarač, Igor Kotjelnikov, Amela Tandara, Franjo Rover i Aleksandra Jarić.

Po okončanju rasprave, a na prijedlog predsjedavajućeg, informacije su jednoglasno primljene k znanju.

### **Ad. 3. Razmatranje prijedloga za izmjene Izbornog zakona BiH**

U uvodnom izlaganju o ovoj tački dnevnog reda predsjedavajući je upoznao prisutne s dokumentom *Prijedlog ograničenih izmjena Ustava BiH i Izbornog zakona BiH* koji je neposredno pred sjednicu podijeljen članovima Vijeća, a koji je Vijeće u prethodnom sazivu uputilo Interresornoj radnoj grupi za izmjene izbornog zakonodavstva u Bosni i Hercegovini 2022. godine. U iscrpnoj raspravi o ovoj tački dnevnog reda učestvovali su: Mujo Fafulić, Saša Mićin, Franjo Rover, Miroslav Bobrek, Velibor Kuvač, Ernest Grin i Željko Vaško.

Saša Mićin istakao je da je prvi korak u rješavanju kompleksne situacije izmjena Zakona o zaštiti pripadnika nacionalnih manjina BiH, kako bi se spriječile manipulacije i zloupotrebe, zatim utvrđivanje neophodnih kriterija o tome kako se definiraju pojam i pravo nacionalnih u Bosni i Hercegovini.

Miroslav Bobrek predložio je da se definiraju ključni problemi nacionalnih manjina u Bosni i Hercegovini, te da se o tome obavijeste kolegiji oba doma PSBiH i Zajednička komisija za ljudska prava PSBiH s molbom da prilikom razmatranja izmjena zakonodavstva uvažavaju prijedloge Vijeća

nacionalnih manjina BiH, kako bi se spriječile zloupotrebe i unaprijedio status nacionalnih manjina u kontekstu izbornog procesa u Bosni i Hercegovini.

Ernest Grin rekao je da je nezavalno uplitati se u kompleksnost izmjena Izbornog zakona i naglasio da se nada da će tehničke izmjene doprinijeti jačanju integriteta izbornog procesa, veće transparentnosti, fer i poštenih izbora.

Po okončanju rasprave, a na prijedlog predsjedavajućeg, dogovoreno je da do naredne sjednice članovi Vijeća pripreme prijedloge koji bi se inkorporirali u dopis koji Vijeće planira uputiti Zajedničkoj komisiji za ljudska prava PSBiH, domovima PSBiH, klubovima političkih stranaka u PSBiH i Centralnoj izbornoj komisiji.

Članovi Vijeća jednoglasno su prihvatili prijedlog.

#### **Ad. 4. Tekuća pitanja**

U okviru ove tačke dnevnog reda:


- članovi Vijeća nacionalnih manjina informirani su o Regionalnoj konferenciji koja će biti održana 5. i 6. marta 2024. godine;
- Dragica Tešić predložila je da se materijali s Regionalne konferencije dostave svim članovima Vijeća nacionalnih manjina BiH;
- Saša Mićin predložio je da predsjedavajući Mujo Fafulić dostavi materijale s Regionalne konferencije koji se odnose na zakonska rješenja u vezi sa izjašnjavanjem pripadnika nacionalnih manjina na način kako je to riješeno u zemljama učesnicama Regionalne konferencije;
- u organizacioni odbor 1. konferencije nacionalnih manjina izabrani su: Mujo Fafulić, Franjo Rover i Hakan Varan, a kao rezervni članovi Davor Ebner, Igor Kotjelnikov i Velibor Kuvač;
- članovi Vijeća nacionalnih manjina primili su k znanju informaciju u vezi s dopisom Udruženja građana italijanskog porijekla „Rino Zandonai“ iz Tuzle, broj: 05/7-39-2-304/24 od 1. 2. 2024, kao i odgovorom Udruženja Italijana Banja Luka, broj: 05/7-50-17-483/24 od 28. 2. 2024. (u vezi s navedenim nije bilo rasprave uz konstataciju da Vijeće ne raspravlja o politiziranim temama);
- Hakan Varn informirao je prisutne o dopisu Komisije za odlučivanje o sukobu interesa.

Naredna sjednica Vijeća planirana je za 22. mart 2024. u Prnjavoru, s početkom u 17 sati.

Sjednica je završena u 19.15 sati.

**Stručna savjetnica u  
Sektoru za druga parlamentarna tijela**

**Vladana Savić**



**Predsjedavajući  
Vijeća nacionalnih manjina BiH**

**Mujo Fafulić**

